

BASES REGULADORAS DA CONVOCATORIA DA "CAMPAMENTOS DE VERAN DA DEPUTACIÓN DA CORUÑA PARA O AÑO 2023 DIRIXIDA ÁS PERSOAS EMPADROADAS NO CONCELLO DA CORUÑA"

I. OBXECTO

Estas bases teñen por obxecto regular a convocatoria pública para a participación nos Campamentos de Verán do ano 2023 no IES Rosalía Mera (Rúa Archer Milton Huntington, 24) que convoca todos os anos a Deputación da Coruña a través dos concellos interesados; neste caso concreto, a través do Concello da Coruña.

II. PROGRAMA

Os participantes neste programa desfrutarán de 5 días con aloxamento e manutención, na residencia do IES Rosalía Mera (antigo IES Calvo Sotelo). A quenda correspondente ao Concello da Coruña dará comezo o 23 de xullo de 2022 e desenvolverase ao longo de 5 días, ata o 28 de xullo. A entrada dos rapaces e rapazas no IES Rosalía Mera será o 23 de xullo entre as 18:00 e as 19:30 e a saída o día 28 de xullo entre as 16:00h e as 17:00h.

A quenda dos nenos empadroados no Concello da Coruña que resulten beneficiarios será do 23/07/2023 ao 28/07/2023.

A Deputación responsabilízase da maior parte dos gastos ocasionados polos cursos: Transporte interno, estadía e manutención en residencia, e todo gasto que ocasionen as actividades programadas.

As persoas participantes que resulten beneficiarias deberán aboar unha cota de inscrición e cumprir con todas as condicións impostas pola Deputación, de xeito especial coas publicadas na páxina web www.dacoruna.gal/deportes/actividades.

III. NÚMERO DE PRAZAS

O número de prazas que convoca o Concello da Coruña é de **28 (vinteito)**.

IV. DESTINATARIOS

Rapazas e rapaces empadroadas/os no Concello da Coruña **nacidos entre o 1 de xaneiro do 2009 e o 31 de decembro do 2014**

V. COTA DE INSCRICIÓN:

A cota de inscrición será de **OITENTA E CINCO EUROS (85,00 €)**, que deberán ser ingresados no número de conta da Deputación da Coruña que se comunicará no momento de adxudicar as prazas. No suposto de que non se dispoña do número de conta na data de matrícula, formalizarase a mesma e, posteriormente, enviaráselle un correo electrónico para que realice o pago no prazo que se lle indique, coa advertencia que, de non facelo, entenderase que renuncia á praza e adxudicase a mesma seguindo a listaxe de agarda.

VI. SOLICITUDES DE PREINSCRICIÓN

As persoas interesadas deberán presentar unha solicitude de preinscrición exclusivamente no formulario habilitado na páxina web de Deportes do Concello da Coruña (www.coruna.gal/deportes) .

O prazo para presentar as solicitudes de preinscrición comeza **dende publicación na paxina web ata o 7 de xuño de 2023 as 23:59h**

No caso de que se detecten máis dunha solicitude por persoa, terase en conta a última realizada.

Para as solicitudes de preinscrición non é necesario presentar ningún tipo de documento nin ficha, só cubrir os datos solicitados a través do formulario da páxina web.

En todo caso, debe constar un número de teléfono de contacto do pai, nai ou titor do menor e mais un enderezo de correo electrónico.

No caso de que se presenten mais solicitudes que prazas, procederase a asignar a orde de adxudicación da seguinte forma:

Criterio de preferencia: en primeiro lugar terán preferencia as persoas empadroadas no Concello da Coruña **que non participasen en ningún Campamento de Verán da Deputación da Coruña.**

De existir máis solicitudes que prazas, realizarase **un sorteo público**, segundo se describe nas cláusulas seguintes.

VII .LISTAXE PROVISIONAL DE SOLICITUDES

A listaxe provisional de solicitantes publicarase o día **15 de xuño de 2023**.

VIII. EMENDA DE ERROS

Abrirase un período de emenda de erros dende a publicación da listaxe provisional ata o día 18 de xuño de 2023 as 23:59h a través do correo programasdeportivos@coruna.gal.

Neste período unicamente se poderán emendar datos persoais erróneos.

IX. LISTAXE DEFINITIVA DE SOLICITUDES

A listaxe definitiva de solicitantes publicarase o día **19 de xuño de 2023 as 10:00h**. Neste listaxe asignarase un número por orde de entrada a cada solicitude, o cal utilizarase para establecer o corte no sorteo de adxudicación de prazas, no caso de que fose necesario.

X. SORTEO PÚBLICO

Nos supostos de que despois de aplicar os criterios de preferencia aínda existan máis solicitudes que prazas vacantes, realizarase un sorteo público no Servizo de Deportes, o día **19 de xuño as 14:00 horas**, empregando a páxina web <https://echaloasuerte.com/> mediante a cal procederase a sacar un número para establecer a orde de asignación, o cal estará comprendido entre os números da primeira e a última solicitude rexistradas correctamente.

XI.PUBLICACIÓN DA LISTAXE DE ADXUDICACIÓN DE PRAZAS

A listaxe de adxudicación de prazas publicárase o día **21 de xuño de 2023** a partir das 14:00h.

Esta listaxe elaborárase seguindo o número de corte establecido no sorteo do día 12 de xuño e as seguintes preferencias:

- a) Empadroados no CONCELLO DA CORUÑA que non realizasen campamentos de verán da Deputación
- b) Empadroados no CONCELLO DA CORUÑA que realizasen campamentos de verán da Deputación
- c) Non empadroados no CONCELLO DA CORUÑA que non realizasen campamentos de verán da Deputación **(no caso de rexistrase solicitudes)**
- d) Non empadroados no CONCELLO DA CORUÑA que realizasen campamentos de verán da Deputación **(no caso de rexistrase solicitudes)**

Todos os solicitantes que non obtivesen praza pasarán a formar parte da listaxe de agarda, seguindo os anteriores criterios.

XII.MATRÍCULA E FORMALIZACIÓN DAS INSCRICIÓNS

Do 22 ao 26 de xuño de 2023 a las 14:00h deberáse formalizar a matrícula, segundo as normas e documentación solicitada pola Deputación da Coruña, a través do correo programasdeportivos@coruna.gal.

En caso de non presentar a matrícula entenderase que se renuncia á praza, e adxudicaránse as prazas vacantes seguindo a listaxe de agarda.

Para inscribirse será necesario:

- e) Ficha de inscrición da Deputación da Coruña.
- f) Foto de carné.
- g) Fotocopia do documento de asistencia sanitaria.
- h) Fotocopia do libro de familia ou carné de identidade.
- i) Xustificante de pago da cota (unha vez adxudicadas as prazas, informarase da conta onde se realizará o ingreso, no que se fará constar "CAMPAMENTOS DE VERÁN 2023 –DEPUTACIÓN DA CORUÑA" – CONCELLO DA CORUÑA e NOME da nena/o).

No caso de tratamento específico ou doenza que sexa necesario ter en conta, xustificante médico asinado polo facultativo pertinente. Importante facer constar as alerxias alimenticias ou de calquera outro tipo.

OUTRAS DISPOSICIÓNS

Non se permite a cesión a terceiras persoas da praza asignada. As listaxes de solicitantes dos cursos ofertados, listaxes definitivas e demais documentación, información ou notificación referida a esta convocatoria publicárase na páxina web municipal, nos taboleiros de anuncios das instalacións deportivas municipais e no teléfono de información cidadá 010.